

№ 42.

евода наш нелюб, ино нам воеводу дати по их воли. А приехавшы воеводе нашему к Полоцку первого дня крест цаловаты полочаном на том, чтож безъ их sprawy Полочанина не караты ни в чом. А воеводу городом не держаты. Тож полочаном всем жыти в Полоцку добровольне, покуль хто хочет, а будет которому полочанину од нас ꙗко насильство,—нам его силою не держати ино ему ход чист, куды хто хочет без всякое зацепки, а в своем имении во всем волен, идучи прочь, продати, або которому приятелю своему приказати—в то нам не вступатися. А которы полочанин имет нам о чом жаловатися о насилии на полочанина, приехавшы до Литвы один без исца,—нам з Литвы децко-го не слати, писати нам лист свой ку воеводе нашему хотя о смертней вине, ино ему судыти по целованню; осудывши его в Полоцку, скарати виноватого по их праву з полочаны по их спросу. А воеводе нашему од причиноветц городецких послу не брати, а чоломбитие нам в Полочан прыймовати. Также воеводе нашему от вар имати гостынца по полу копы грошей зо всякой вары.

А на твердости того всего и печать нашу казалисьмо привесыти. А пры том были панове рады нашы великого князтва Литовского: Бискуп Виленскій; князь Павел, княжа Голшанское, воевода Виленскій, канцлер великого князтва Литовского державца Бобруйскій и Борисовскій. Пан Ян Юревич Глебович, пан Виленскій державца Унитскій Пан Григори Григорович Остык, воевода Троцкій. Князь Януш Юрьевич княже Ольшанское, пан Троцкій, староста Жомойдски, державца Плотельски и Тельшински. Пан Героним Александрович Хоткевич, маршалок земски, державца Шавленскій. Пан Миколай Янович Радывил, воевода Киевскій. Князь Альбрихтъ Глебович Пронтницкій, воевода Полоцкій. Панъ Станислав Станиславович Довойна и их милост панове рады нашы.

Писано и дано у Вильни, лета Божого нароженя тысяча